

Održana 9. sjednica Općinskog vijeća Vitez

Na 9. redovnoj sjednici Općinskog vijeća Vitez, održanoj 6. augusta 2025. godine, razmatrane su i usvojene nove važne tačke dnevnoga reda.

Pod prvom tačkom dnevnog reda, jednoglasno je usvojen prijedlog odluke o dopuni odluke o imenima ulica, čime je Ulica Marina Držića u Vitezu zvanično preimenovana u "Ulicu osam viteških anđela". Time je formalno okončana procedura inicijative koju je prethodno pokrenula Udruga građana „Osmica“, sa ciljem očuvanja sjećanja na tragično stradalih osmero djece.

Također, pod drugom tačkom, ulica Lašvanska produžena je servisnom prometnicom unutar Poslovnog centra do kružnog toka, čime je unaprijeđena prometna funkcionalnost ovog dijela Viteza.

Na sjednici su, uz ostale predložene tačke dnevnog reda, donesena i dva dodatna zaključka:

Udruga „Osmica“ dobila je saglasnost Općinskog vijeća da poduzima sve zakonom propisane radnje u svrhu održavanja, uređenja i očuvanja spomen-obilježja „Osmica“.

Mjesna zajednica Stari Vitez dobila je identičnu saglasnost za očuvanje i uređenje spomen-obilježja „Remiza“.

Uz navedene tačke, razmatrane su i sljedeće:

Izvještaj o radu mjesnih zajednica za 2024. godinu, informacija o radu JSP "Vitez-stan" d.o.o. Vitez za 2024. godinu, Program rada JU Radio Vitez sa p.o. za 2025. godinu, Izvještaj o radu JU Radio Vitez sa p.o. za 2024. godinu, Izvještaj o radu JU Centar za socijalni rad Vitez za 2024. godinu te Prijedlog odluke o davanju saglasnosti na Pravilnik o dodacima na platu i naknadama koje nemaju karakter plate.

Uoči rasprave po tačkama dnevnog reda vijećnici u imali prigodu postavljati pitanja i komentirati odgovore na ona ranije postavljena.